



明詩正聲目錄

卷四十七 五言絕句一

高啓十一首 楊基五首 徐賁二首

宋濂二首 劉基七首 李德二首


劉渙一首 吳琳一首 趙迪二首

施敬一首 楊維禎一首 王儼二首

王恭四首 胡奎一首 楊士奇二首

張楷一首 劉球一首 王誼一首

許廷慎一首 高璧一首 李時勉一首



明詩正聲目錄

劉績 六首 章珎 二首 薛瑄 二首

姚綬 一首 張寧 一首 李東陽 一首

周普 一首 周枯 一首 張琦 一首

李夢陽 五首 何景明 三首 顧璘 一首

熊卓 二首 邊貢 十二首 孫一元 七首

王廷相 十首 徐問 一首 余泰 二首

謝鐸 二首 徐禎卿 八首 鄭善夫 一首

陸深 四首

卷四十八 五言絕句二

方豪 一首 常倫 一首 楊慎 三首

薛蕙 二首 莫止 一首 蔣山卿 二首

李濂 一首 王謳 三首 敖英 七首

錢百川 三首 黃省曾 一首 孫宜 四首

拱樋 一首 張時徹 九首 樊鵬 一首

郭鳳儀 二首 陳堯 四首 盧楓 四首

張謙 一首 崔槐 一首 全元立 二首

駱文盛 三首 尹臺 一首 喬世寧 二首

唐順之 二首 朱曰藩 一首 施漸 一首

萬表 三首 汪坦 二首 林爥 五首

呂時 三首 李攀龍 四首 王世貞 六首

徐中行 四首 吳國倫 二首 梁有譽 六首

宗臣 五首 沈明臣 五首 陳夢鶴 二首

侯初 一首 周詩 二首 李時行 四首

蔡汝楠 一首 許邦才 五首

卷四十九 五言絕句三

盧柟 三首 李先芳 二首 楊金 二首

汪心 一首 江汜 二首 王世懋 二首

歐大任 二首 郭第 七首 盧純忠 一首

吳擴 一首 史自守 二首 陳純 一首

黃克晦 三首 林雲程 二首 姚澂 二首

江一魚 三首 張以文 一首 林世璧 一首

金鑾 一首 于若瀛 二首 吳錦 一首

金鎰 一首 金銘 一首 葛幼玄 二首

莫叔明 一首 張邦仁 一首 汪時元 一首

張文介 二首 李言恭 四首 顧大典 三首

曾仕鑑 一首 王叔承 二首 陸弼 一首

趙世顯

四首

王穉登

十首

蕭譽

二首

王同軌

三首

濮陽傳

三首

卷之五十

五言絕句四

屠隆

十一首

胡旦

二首

車大任

一首

梅鼎祚

六首

張邦伊

一首

陸應陽

三首

朱正初

一首

俞沂

一首

陳永年

一首

汪定之

一首

葉之芳

二首

鄧伯羔

四首

吳士良

二首

汪道弘

一首

程玘實

一首

李敏

一首

汪淮

一首

楊承鯤

四首

高爐

一首

吳鑽

一首

盧澐

三首

吳錕

一首

許聞造

一首

柳應芳

二首

何良臣

二首

孫朗

二首

謝紹訥

二首

倪光胤

五首

江震祚

一首

韓尼生

一首

張璵

二首

顧冶

四首

黃德水

一首

丘陵

三首

朱靜菴

一首

潘氏

八首

王素娥

一首

陳孺人

一首

董夫人

四首

姜舜玉

一首

釋宗泐 一首 魯山 一首 天祥 一首

傳慧 三首

明詩正聲目錄卷之五十

明詩正聲卷四十七 五言絕句一

廣陵

盧純學

選輯

江一夔 校閱

高啓

題雜畫

空山萬株木 靄靄秋陰晦 屋在白雲中 人歸白雲外

其二

欲尋江寺僧 渡口孤帆發 落日浦風生 不畏春潮濶



西寺晚歸

遠寺別僧歸隨鐘出烟嶺犬吠竹林間斜陽見
人影

淵源堂夜飲

懸燈照清夜葉落堂下雨客醉已無言秋蛩自
相語

西陂

芳草水東西春風路欲迷歸時不覺晚山與夕
陽低

林下

樹涼山意秋雲澹川光夕林下不逢人幽芳共
誰摘

曉發山棹

風殘杏花曉馬上聞啼鳥茅店未開門山多住
人少

吳鈞行

吳鈞若霜雪吳人重游俠樽前含笑看上有仇
家血

阿那環

牛羊草漫野大帳天山下十萬控弦兒聞笳齊
上馬

刀

大食購千金妖精泣太陰燈前開匣看無限許
君心

碧玉歌

碧玉小家女初無珠翠粧感郎相顧重朽質自
生光

殘雪

楊基

庭雪半消殘猶存舊臘寒春風如有意留待隔
年看

陌上桑

青青陌上桑葉葉帶春雨已有催絲人吐吐桑
上語

七首

秋啼聶政魂寒漬荆軻血報讐兼報恩刺人還
自殺

逢故奴

出門逢故奴，怪我顏色槁。茲事何足驚，別離容易老。

花開

花開醉不休，花謝莫深愁。縱使花常在，春風也白頭。

塞上曲

徐賁

十五見天子，十八領邊兵。曾將一羽箭，贏得射鵬名。

青青水中蒲

青青水中蒲，織作團團扇。不肯贈傷人，自掩春風面。

寄遠曲

宋濂

淚盡愁難盡，燕歸人未歸。遙知君念妾，似妾憶君時。

其二

妾有五字詩，寄君君勿忘。十朝成一字，字字九迴腸。

秋思

劉基

梧桐生碧砌
密葉暗金井
驚心昨夜月
照見棲禽影

懊儂歌

白惡養雛時
夜夜啼達曙
如何羽翼成
各自乘西去

玉階怨

長門燈下淚
滴作玉階苔
年年傍春雨
一上苑墻來

長門怨

白露下玉除
風清月如練
坐看池上螢
飛入昭陽殿

閨詞

剔却燈花藥
從教污翠鈿
幾迴虛報喜
誤妾不成眠

薤露歌

人生無百歲
百歲復如何
古來英雄士
俱已歸山阿

瑯琊王歌

駿馬須好鞍，彊弓須勁箭。將軍不知兵，健兒空自健。

塘上行

李德

露濕藕花香，花折藕絲長。豈無鳧與鴈，不似錦鴛鴦。

無題

門外青青草，今年更覺深。前時玉釵墮，侍婢不能尋。

春日漫興

劉渙

莫道梨花瘦，楊花更可憐。隨風兼雨恨，總在客窓前。

烟波亭

吳琳

漢水連天闊，江雲護曉寒。青青山數點，最好倚闌看。

西城夜月

趙迪

西城有明月，照彼崇臺上。萬籟夜沉沉，清光獨相向。

小景

茅屋掩芳林
蘿衣卧苔石
空山寂無人
寒雲落秋色

巴陽夜泊

施敬

獨棹三巴夜
秋高片月孤
灘聲將客夢
萬里下東吳

買妾言

楊維禎

買妾千黃金
許身不許心
使君聞有婦
夜夜白頭吟

題美人撲蝶圖

王爾

為惜韶華去
春深出綉幃
撲將花底蝶
祇為妬雙飛

望君山

風來洞庭白
雨歇君山青
巴陵明月夜
瑤瑟怨湘靈

訪鄧山人

王恭

飛鳥落藤花
林幽小徑斜
白雲深解意
相與到君家

古柳堤

寒潮落沙堰高柳入荒烟莫把長條折秋來欲
繫船

送老兵還鄉

解劔辭邊將蕭條白髮新無家也歸去勝作異
鄉塵

鷓鴣

綠樹殘春外雙飛錦翼齊長沙有遷客莫向兩
中啼

江邊柳

胡奎

朝送木蘭船暮迎征馬鞭非關離別苦生長在
江邊

夜發清江口

楊士奇

日落烟水寒解纜清江渚中夜北風來相送潭
州去

來溝遇邑人問家信

聞道故鄉來辭家今遠近恐有南京書停舟試
相問

江南曲

張楷

忽得三巴信郎歸未有期只緣風浪險不是薄情兒

山居

劉球

水抱孤村遠山通一徑斜不知深樹裏還住幾人家

婕妤怨

王誼

玉簟夜涼新秋蛾暗裏顰如何天上月獨照掌中人

商隱

許廷慎

無心成避世有跡類游仙自入烟霞窟悠悠不計年

雲林書屋

高壁

漠漠山中雲藹藹雲中樹不聞絃誦聲那知有人住

商婦怨

李時勉

百歲以相期安知有別離去時兒在腹今已長過眉

結客行

銜績

結客千金盡酬恩一劔存羞為狗監伍不傷孟嘗門

征夫詞

征夫語征婦死生不可知欲慰泉下魂但視襍中兒

征婦詞

征婦語征夫有身當狗國君為塞下土妾作山頭石

雙行纏

色絲將文羅持作雙行纏繫儂白玉脛步步作春妍

其二

綉纏合歡帶足底生蓮花自踏君門戶更不由狹斜

自題詩本

幼小工刺繡極知針線難祗緣花樣古不耐入時看

題鄭汝成所藏山水圖

章珎

南山春雨晴西溪春水滿孤舟釣夕陽沙明綠
蒲短

無題

溪橋春水綠新蒲細堪把茆屋掩松雲斜陽鳥
飛下

紅白二梅花落

薛瑄

簷外雙梅樹庭前昨夜風不知何處笛併起一
聲中

武口守風

江濤拍岸鳴高枕念王程湖與歸心闊秋因客
思清

洛陽陌

姚綬

馬上相逢處春風在洛陽陌頭楊柳色一一斷
人腸

莫愁樂

張寧

金雀玉搔頭生來喚莫愁自從歡去後不出石
城遊

吉安府

李東陽

山勢西來斷江流北去平萬家深樹裏聞是吉
州城

秋思

周普

露下蘭無香風高葉初墮空庭不見人落月照
孤坐

靜夜思

周祐

中夜起徘徊天空月如洗為憶閨中人渺渺湘
江水

海棠

張琦

微紅初上頰便覺春多夢窗外有人無鳥踏花
枝動

結客少年場行

李夢陽

燈如列宿行月似九秋霜各携萬金劍結客少
年場

豔曲

父母愛小女女是聰明子生不識鴛鴦綉出鴛
鴦是

開元寺

瀑布半天上飛響落人間莫言此潭小搖動匡廬山

江行雜詩

日出青蘋濕江渾路不分昨宵驅雨至知是海南雲

贈何舍人

朝逢康王城暮送大堤口相對無一言含情各分手

題畫

何景明

古洞入青冥山通武陵渡魚郎莫放舟恐失花間路

長安

白雲望不盡高樓空倚欄中宵鴻鴈過來處是長安

晚出左掖簡薛君采

露重芙蓉館雲輕翡翠城文園病司馬消渴望金莖

夜

顧璘

平江浮夜色遠，鴈帶秋聲渺渺。孤帆去前山月正明。

春日登臺望鄉

熊卓

鄉園何地是落日，杏清津郭隗臺前。草年年向旅人。

出居庸

沙上望行人日暮愁，心絕江南四時春。邊地五月雪。

雜題和儲柴墟

邊貢

藹藹古城暮，遙遙車馬度。同為城外人不識，城中路。

其二

閉門聽春雨，開門寡行旅。借問橋上翁，河水深幾許。

其三

鳥啼青石岡，日照紅泥坂。杳杳雲外鍾，山僧獨歸晚。

題画

經旬不出户忘却城南道江亭細雨過一夜生
春草

送馮侍御允中還郴

驄馬逝駸駸蒼林蔭長陌憐君楚雲外獨坐秋
江客

泛南湖

水殿穿湖入風闌過雨凭微微夕陽外時見出
林僧

雜詩

月色沙上澹山雲天際浮春江萬里闊獨見一
漁舟

其二

江靜無飛鳥亭空有落花主人何所在沽酒向
漁家

送劉約中之金陵

君到石城邊應看石城樹樹杪百尺臺是儂行
樂處

西園二首

朝看長白山暮看長白山
山色有朝暮吾心常
自閒

其二

庭際何所有有萱復有芋
自聞秋雨聲不種芭
蕉樹

上陵道中

蒼蒼土門口日落逢樵叟
問尔何事來山中苦
無酒

驅車復驅車

孫一元

驅車復驅車起拂車上露
頰作車後塵逐君車
輪去

睡起

睡起散幽躅荒岡春日西
野雲飛不起殘雪壓
枝低

雜畫

夕陽沒中流舟子不停櫓
風來未滿帆望斷桃
花浦

其二

盡日不見魚風高網罟冷
蹋船歸未歸江波蕩
人影

題孫道甫二景小画

家近新塘曲月明魚可掬
盡夜澹忘歸和雲汀
上宿

秋晚

秋晚不扃扉秋亭一葉飛
採蓮人不見水面落
紅衣

相見

相見不作語天風吹長鬚
採取虎鞞囊留贈崑

崑圖

初見白髮

王廷相

日日風塵色勞勞簿領身
不知青鏡裏已作二
毛人

漢上歌

宜城出美醞載入習家池
山公去已久醉殺襄
陽兒

宮怨

夜輦昭陽月春筵上苑花不成供奉日枉自學
琵琶

江南曲

江上楊柳花裊裊不肯住隨燕入簾櫳因風復
飛去

其二

采蘼金陵江往來石城道不是江南人安識江
南草

芳樹

芳樹不自惜與藤相縈繫歲久藤枝繁見藤不
見樹

閬州歌

天閣浮烟迴沙平落照低春江同在眼只覺異
巴西

春草謠

塘上草霏霏照妾春羅衣待君君不來滿庭螢
火飛

秦川雜興二首

古陵在蒿下啼鳥在蒿上陵中人不聞行客自惆悵

其二

客行不束書大半是俠氣寶劍值千金上有飛龍字

晚渡

徐問

霜白城下寒江空夜船渡蘿月轉踈林照見行人路

寄邊華泉

俞泰

木葉迎風下孤亭傍水開何時尋舊約載酒過江來

其二

灤水今無恙齊山昔自竒懷人詎敢道芳草夕陽遲

絕句

謝鐸

去年望春來今年惜春去來去春不知含愁自相語

青山

入山何敢深，還山苦不早。山青色不改，髮白人已老。

鳳皇山園雜詠

徐禎卿

鳳鳥期不來，瑤華幾銷歇。唯有山中人，吹簫弄明月。

香圃

露華散平林，月明在寥廓。時有天風來，泠然桂花落。

江南樂四首

生長在江南，不愛江北住。家住閭門西，門垂雙柳樹。

其二

陽春二月時，桃李花參差。寄言諸姊妹，莫遣惡風吹。

其三

野鳧生雛時，乃在河沚中。可憐生羽翼，各自戀菰叢。

其四

人言江南薄江南信自樂采桑作蠶絲羅綺任
儂着

擬古

上馬入皇城嫖姚典禁兵猶言恩寵薄下馬坐
團營

隴頭水

磨刀隴水頭刀澁指瓜柔將刀割斷水那用東
西流

子夜變歌

鄭善夫

我欲渡螺江螺女不可遇人知子夜來不知子
夜去

途中

陸深

日落山烟紫秋深暝色寒殷動問前路今夜宿
新安

其二

曉行不知程夢醒聞細浪曙月逐鷄聲擢歌來
枕上

途中寄王定遠

去去別淮浦
行行到江鄉
漸覺故人少
空愁前路長

明月曲

明月入我帷
徘徊不能語
腹中生車輪
鷄鳴向何處

明詩正聲卷四十七

